



Ioannes Zacharias Erdfordiæ natus & educa-
 tus fuit. Parentes eum à pueris optimis præce-
 ptoribus erudiendum tradiderunt. Itaq; in uirum
 omnis generis doctrinæ doctissimum euasit. Fuit
 is Philosophiæ egregius interpret, disputator acu-
 tissimus, & in habendis sermonibus ad populum
 facundissimus. ita ut tum neq; subtilitate ingenij,
 neq; rebus agendis ullus Erdfordiæ ei conferri pos-
 set. Hinc factum cum Sigismundi Imperatoris ope-
 ra Oecomenicum Concilium Constantiæ celebra-
 retur, ut Ioannes ille publico Academiæ nomine
 eò mitteretur. ubi etiam contra Hussium & alios
 (quos hæreticos uocabant) disputando & conclu-
 dendo magnam laudem adeptus est. floruit is anno 1415. Scripsit autem in Ge-
 nesim, Exodum, Epistolas Pauli, & libros sententiarum. Trit. in script. Eccles.